

Exercezi da ruaus per l'entschatta

Varianta 1: In pugn plein tiara

La grupp s'entaupa giaudo el liber ni en stanza da scola en in rudi. Entamiez schai sin ina cozza in grond mun tiara. Ils affons vegnan enamiez, mintgin astga prender in pugn plein tiara ed observar ella. La catecheta menziuna ils suandonts patratgs, ed ils affons fan agens leutier.

Enta maun tегnas ti tiara.

Ti sentas, co ella ei da tucclar: Eis ella caulda ni freida?

Ti vesas sias differentas colurs: Tgeininas eis ei?

Ti sminas la gronda forza che secatta ella tiara.

Co eis ei en leu?

Ella tiara eis ei stgir e humid.

Biaras pintgas creatiras vivan leuen.

Ellas han bia da far, lur pensum ei da far fritgeivla la tiara.

Da la tiara vivan biaras plontas.

All'entschatta ei in sem, che catscha el stgir ed entscheiva a crescer.

Pintgas flurettas, pastg ni grondas plontas, tut entscheiva pign e crescha neuadora dalla tiara.

Ellas regalan a nus lur colurs e lur fretgs.

La tiara sa aunc dapli, ella procura che las plontas hagian tегn.

Talas, che creschan sin ella ed or dad ella, anflan tегn:

La plonta, che crescha cun sias ragischs or dad ella,

ils animals, che han baghegiu en ella lur dacasa.

Nus carstgauns eregin casas sin ella.

La tiara tегn nus era cu nus mein a pei e dat a nus tегn.

Enta maun tегnas ti tiara.

Ti sentas, co ella ei da tucclar: Eis ella caulda ni freida?

Ti vesas sias differentas colurs: Tgeininas eis ei?

Ti sminas la gronda forza che secatta ella tiara.

Varianta 2: Esser a cauld ella tiara

Ils scolars serepartan ella stanza da scola, aschia che mintgin ha avunda plaz e disturban buc ils auters. Ils affons teidlan e s'expriman entras gesticular e semuentar.

Stai giu e sefai pigns pigns.

Siara ils egls e daventa tut quiets e ruasseivels, seigies dil tuttafatg tier tetez.

Imaginescha che ti seigies in sem e che ti schais a cauld ella tiara.

Ti sentas la biala humiditad e l'emperneivla calira entuorn tei.

Tut quei drovas ti per crescher. Ei vegn schenghegiu a ti dalla tiara.

Ussa entscheivas ti a crescher.

Ti creschas ell'altezia.

El medem mument creschan era tias ragischs, ellas dattan tegn a ti.

Ti creschas e creschas, ussa vegnas ti al clar dil di.

Arva ils egls e mira entuorn – bi, tgei che ti vesas.

Cuninaga entscheiva ei a cuflar.

Ti vegns fiers fermamein vi e neu.

La tiara tegn tias ragischs, ellas dattan ferm tegn a ti.

Gleiti secalma il vent puspei.

Il sulegl splendura e ti sentas sia calira emperneivla.

Da miezdi brischa il sulegl taluisa che ti survegnas gronda seit.

La tiara procura che tias ragischs hagian aua,

e ti vegns salvus e sechentas buca.

Avunda nutriment dat la tiara a ti.

Ti creschas e creschas vinavon ed arrivas a tia cumpleina grondezia.

Ti entscheivas a flurir, fretgs creschan vid tei ed entscheivan a madirar.

Quels fretgs regalas ti a tut quels che han fom.

Igl atun arriva, ils dis vegnan pli e pli cuorts.

Tia feglia entscheiva a passir.

Ti daventas pli e pli pigns.

Ti vas anavos tier la tiara, ed ella pren si tei en ella.

Ti sesentas a cauld e purtaus dad ella.